

Ma
1914
t

DANNEBROG-RIDDER-
ORDENS



STATUTER





100 100







STATUTA ORDINIS
DANNEBROGICI.


Cambrius rom Hagen inventor S. R. Maj. Dan. et Norv. General Architectus et pictor primar. pinxit H. Schaten scul.



Universitäts-
Bibliothek
Halle

L26,





NOS **C**HRI-
STIANUS QVINTUS,
Dei Gratiâ, REX Daniae,
Norvegiae, Vandalorum
Gothorumq;, DUX Slesvi-
ci, Holfatiae, Stormariae ac
Dithmarsiae; COMES in Ol-
denborg & Delmenhorst;
A Pa-

Palam testamur & universis ac singulis notum facimus, quòd, quemadmodum priscis Regnorum Nostrorum & Terrarum Regibus, non minus quàm aliorum Regnorum ac Terrarum Dominis & Principibus, seriò semper curæ fuit, quomodo eos, qui virtutum studiis, fidò servitiò, fortibusq; factis sese præ aliis celebres fecissent, peculiaribus hostimentis conspicuoq; honoris caractere remunerari, atq; ejusmodi claris Insignibus subditorum suorum alios ad similia virtutum & fortitudinis exercitia instigare possent; Ita &, temporibus occasionem præbentibus, varios Equestres Ordines instituentes, eosdem præclaris legibus, privilegiis & prærogativis stabiliverunt. Cumq; Nobis sub prima Regni Nostrî initia innotuisset, heic in Regnò Nostrò Daniae præter Celeberrimum, Nobilissimum & Antiquissimum Ordinem Equestrem **Elephantinum** ante aliquot annorum centurias viguisse Equestrem Ordinem **Dannebrogicum**, à gloriosæ memoriæ Rege **WALDEMARO SECUNDO** ad eorum virtutem & fortitudinem

nem

nem compensandam, qui expeditione Livonica hostilem impetum imperterriti exceperunt, victoriamq; ob hostium multitudinem pene desperatam sibi asseruerunt, occasione coelitus delapsi vexilli, istorum temporum Chronicis celebrati, Anno M. CC. XIX. institutum; Memoratum etiam Regem, ut nova hæc Ordinis institutio plenam existimationem & gloriam obtineret, triginta quinque ex optimè meritis suis subditis die St. Laurentii publicis cœremoniis ad hanc dignitatem evexisse, Eqvites Dannebrogicos exinde vocatos; Dictum quoq; Eqvestrem Ordinem in summô semper honore fuisse, utpote quem Regis Waldemari proprii Filii extranei q; Domini & Principes gestaverint, idq; tantâ multitudine, ut viginti Principes è Regis Erici Menvedi manu An: M. CC. LXXXVII. eundem unâ vice susceperint; Eôqve postea Annô M. CCC. XCVII, cum Rex Ericus Pomeranus Calmariaë coronaretur, centum triginta tres præclari Heröes, atq; Annô M. CD. XLIII. in Christophori Bavari coronatione septuaginta duo Viri investiti sunt; Ita q; eundem Ordinem Dannebrogi-

gicum, temporum vetustate ac mutatione oblivioni penitus traditum & sepulchrò tanquam opertum, pristinae dignitati gloriaeque restituere, atque in ipsius uberius ornamentum ac decus varios Articulos & Statuta eidem addere, prioraque ita immutare, ut cum praesentibus temporibus & Religione Evangelicâ melius convenirent, summâ ope nixi fuimus. Unde Annò M. DC. LXXI. in Octobri (postquam DEUS omnipotens Nos Nostraque Regna & terras primogenitò Nostrò Filiò beaverat) ejus rei initia clementissimè fieri curavimus, cum scilicet praedictò Eqvestri Ordine aliquot Nostros dilectos & fideles subditos dignaremur, quem exinde honorem pluribus ob praestitam virtutem & fidele servitium temporum decursu usque in praesens clementissimè contulimus. In majorem igitur Ordinis praedicti conservacionem, Equitumque mutuan inter sese fiduciam, sequentes Leges & Statuta conscribi curavimus, quas ab omnibus & singulis Ordinis Sociis inviolatè observari & custodiri volumus.

Nos

1.



os solùm, Nostrosq; in foliô Re-
gali Hæreditarios Successores,
Daniæ & Norvegiæ Reges, Su-
premos Ordinis hujus Dominos
esse, fore & nuncupari volumus.

2.

Ordinis hujus Eqvites, præter Ordinis
Dominum ejusq; Filios, qvinqvaginta
numerô funto.

3.

Omnis in hunc Eqvestrem Ordinem ad-
mittendus viginti qvinq; annis major
esto, exceptis Ordinis Domini Consangvi-
neis filiisq; naturalibus, qvi, qvando Ordinis
Domino placuerit, admitti possunt.

4.

Omnibus in hunc Ordinem aditus pate-
bit, qvi Insignibus gentilitiis dotati sunt,
& qvos Ordinis Dominus hâc honore dignos
judicabit.

5.

Nemo honore, vitâ, vel totis suis Rebus
condemnatus, etiamsi post condemna-
B tio-

tionem poena illi remittatur, nec qui citra evidentem vim summamq; necessitatem in conflictu aliquo fugiens cohortem suam & stationem deseruit, nec qui ob aliquod infame scelus diffamatus est, in hunc Ordinem admittetur; Quod si quem in Ordinem admissum horum quaedam commisisse probetur, ex Ordine rejiciatur.


6.

Qvando solenni cum Ceremonia aliquis Eques creari debet, juxta Ceremonialem hujus Ordinis Ritum agere conveniet.

7.

Ordinis hujus focios finistrò latere gestare volumus oblongam Crucem auream, albò pictam encaustò rubrisq; insignem marginibus, cujus in mediò quatuordecim fulgebunt quadrati adamantes, ad Crucis formam dispositi, quorum medius reliquos magnitudine excedit; Dictam Crucem sustinebit fascia serica albi coloris, rubris ornata fimbriis, quæ à dextrò humerò pendeat; Tunicae dextrum, quæ pectus tegit, stella ornabit argen-

gentea, acu picta, octo constans Radiis, quorum quatuor incubabit crux argentea, acu picta, rubris insignita marginibus atq; hæc proferens verba: RESTITUTOR &, quemadmodum hic depictum conspicitur.



8.

Solennis Equitum habitus hinc erit: Thorax
 Sbraccæq; largæ ad genua succinctæ è
 splen-

splendenti & densò albi coloris sericò confectæ; Tibialia serica albi Coloris cum periscelidibus aureis & argenteis acu pictis; Pileus Castoreus niger, triplici albarum & auroræ colorem imitantium plumarum serie ornatus; Equestris Toga è sericò villosò auroræ colorem imitante confecta, & splendenti densòq; albi coloris sericò suffulta, cui collare erit parvum limbusq; oras ejusdem summas atq; imas circumqvaq; ambiens è prædictò splendenti & densò albi coloris sericò; Ad talos usq; Equitis demissa erit cum firmate brevi; Stella, cujus mentio Articulò præcedente facta est, duplò major hìc erit illà, qvam tunica præfert, dextræq; togæ parti annectetur; Anterior de pectore binæ versus terram propendent chordæ ex albò & auroræ colorem imitante sericò contextæ, in fasciculum utrinq; desinentes; Omnia eâ formâ, qvâ hìc expressa conspiciuntur.

9.

Collum Equitis solennem habitum induiti aureus ornabit torques, constans è Crucibus albò pictis encaustò rubrisq; marginibus
in-




Jacob Daphne pinxit

Hub. Schatop sculp.



infignitis, quæ duobus Nominibus certâ literarum implicatione, sicut inferius conspicitur, expressis internectentur; Torquem hunc quilibet sibi faciendum curabit Eqves, quando in Ordinem admittitur.




C

Vo-

IO.

Volumus etiam hunc Ordinem sigillum habere peculiare, cujus unum latus præferet Ordinis Domini, Daniæ & Norvegicæ Regis, Insignia, quæ fascia illa Equestris, eiq; superimpositus Ordinis Torques circumcingent; Infra Insignia de prædictâ fasciâ Crux Ordinis pendeat; Alterum sigilli



latus stellam octo constantem Radiis repræsentabit, quorum quatuor incubabit itidem Crux Ordinis, supra se habens Ordinis Domini nomen hōc modō  expressum, & inter duos, lauri palmæq; ramulos tenui fasciâ, in-

inferius inter se connexos collocatum; Juxta prædictum nomen in orâ exteriori hæc verba leguntur: RESTITUTOR ORDINIS DANNEBROGICI; intrinsecus autem circa utrumq; Crucis latus Symbolum Ordinis exstat, quod est: TESSERA FIDELIUM, omnia secundum figuras, quæ superius exhibentur.

Hoc ipsum Sigillum rubræ ceræ impressum pyxidi includetur acernæ circularis formæ, ac tæniæ ex albô coccineiq; coloris ferricô contextæ alligabitur.

II.

Unusquisq;, qui in Ordinem huncce admittitur, pro Ordinis Domini, Daniæ & Norvegiæ Regis, juribus Majestatis, gloriâ & Regnis propugnet; pauperes, viduas & Orphanos defendat; Dei gloriam, Ordinisq; hujus Dignitatem summô conamine promoveat; Omniaq; & singula horum Ordinis Statutorum verba, Clausulas & puncta observet.

12. Nul-

12.

Nulli Ordinis socio absq; Ordinis Insigni publicè versari licet, sub decem Ducatorum auri, pauperibus Hillerodii prope Fridericoburgum solvendorum mulctâ; si verò Ordinis Insigne penitus deponat, ut integrò Annò illud non gestasse constet, ex Ordinis societate rejiciatur, utpote qui semetipsum Ordine ulterius includi indignum fecit.

13.

Ordinis socii sub Insignibus suis gentilitiis Ordinis Crucem, de torqve Ordinis aut ejusdem fasciâ pendulum, quamdiu vivunt, præferre tenentur, ut omnibus palam fiat, illos Ordinis hujus socios esse.

14.

Is, qui ab Ordinis Dominò Eqves constitutus est, Secretario Ordinis Insignia sua gentilitia, vivis suis coloribus depicta, ut & symbolum suum, tradet, quæ omnia in laminâ præscriptæ magnitudinis in formam clypei fabricatâ deinceps depingentur, atq; in
fa-

facellô Fridericoburgensi in ipsius honorem
suspendentur.

15.

Unicuiq; Ordinis socio in Ordinem Re-
cens Recepto diploma, qvâle hujus Or-
dinis Eqvitibus dari solet, Latinâ confectum
lingvâ Ordinisq; Domini manu & Ordinis Si-
gillô munitum tradi volumus, unde, qvô tem-
pore Ordini sit inscriptus, constare possit.

16.

Similiter ab ordinis Secretariô accipiet
Ordinis Legum apographum fideliter
cum Originali collatum Ordinisq; Sigillô &
Ordinis Secretarii subscriptione Robora-
tum.

17.

Non licet auream illam Crucem, qvâ Or-
dinis Dominus aliquem insignivit, mu-
tare, vendere, dono dare, commodare, op-
pignorare, in debiti solutionem alicui trade-
re, aut abalienare, qvôcunq; demum prætex-
tu id fiat, sive ob inopiam, sive alias ob causas,
cùm ab Eqvite, qvândiu vivat, diligenter
asservari debeat.

D

18. Nul-

18.

Nulli Ordinis Domini subdito in Ordinis hujus societatem recepto licet citra Ordinis Domini concessionem sub extraneo quovis Principe militari vel longinqua suscipere itinera; Permissionem autem ab Ordinis Dominò humillimè flagitans repulsam non feret, nisi illius ministeriò ipse Ordinis Dominus indigeat; Extraneis verò Ordinis hujus societati inscriptis, qui Ordinis Domini Imperio non subsunt, ubicunq; velint, nisi contra ipsum Ordinis Dominum, exceptis tamen casibus articulò sequenti recensendis, castra sequi licitum esto.

19.

Si Ordinis Dominum Extraneo Principi, (cujus unus pluresve subditi ex Ordinis sociis sunt) bellum inferre contingat, tali Equiti, Equitibusve citra ullam honoris & fidei jacturam, dedecorisve famam, quasi contra Ordinis Dominum, Ordinisve hujus Leges & Statuta, aliquid deliquissent, Dominum suum patriamq; defendere omninò licet; si verò Ejusmodi Equitis aut Equitum

Do-

Dominus Ordinis Domino bellum inferat, ab hujusmodi expeditione supersedere debent, nisi à suo Dominò ad id cogantur; Tali enim incidente casu, illius copiis inesse licet, eâ tamen conditione, quòd Eorum Dominus in propriâ personâ castra sequatur, ipsiq; Ordinis Domino sub manibus suis & sigillis maturè id denuntient.

20.

Si unus pluresvè Eqvites Duorum Extraneorum Principum inter sese bella gerentium servitiò detineantur, unusq; horum, vel plures, in hostium potestatem perveniant, tum ille, illivè Eqvites, qui factioni Ordinis focium comprehendenti interfunt, omnem curam adhibere debent, ut libertati restituantur.

21.

Si inter Duos Eqvites discordiam vel litem aliquam horum tantùm personas concernentem oriri contingat, Ordinis Domino hoc continuò referri debet, ut, quicquid placuerit, in eâ re decernere possit.

22. Unus-

22.

Unusquisq; Ordinis socius in omnibus Ordinis Conventibus eò ordine sedeat & procedat, quò Ordinis societati insertus est; Et, si plures eòdem die Ordine fuerint investiti, ille semper superiorem obtineat locum, qui ab Ordinis Dominò Insigne Ordinis primus accepit; Principes verò superiora præ omnibus aliis Equitibus loca occupent.

23.

Ordinis hujus focii Congregationis festo Ordinis Elephantini, tertio Pentecostes quotannis Fridericoburgi celebrando, interesse tenentur, ubi vestimenta solita cum torque Ordinis induti, Equites Ordinis Elephantini proximè antecedent.

24.

Proprium quoq; habebunt Congregationis festum, Hafniæ decimo quinto Aprilis die, qui Ordinis Domino natalis est, quotannis celebrandum; quò die omnes, qui adsunt, hujus Ordinis focii Equestrem induti habitum in Arcem se conferent, atq; in Or-
di-

dinis Domini Conclavi se fistent, unde ipsum ad Auditorium Universitatis comitabuntur, hōc quidem ordine: Primò bini Ordinis Præcones more Præconibus consvetō vestiti Eqvitabunt; Deinde curribus vehuntur, Ordinis Secretarius & huic proximus Cere- moniarum Magister; hinc Ordinis hujus So- cii, & post hos Ordinis Elephantini Eqvites, quotquot adfunt, vestimenta solita cum tor- que Ordinis induti; Singuli horum omnium currus duobus juncti erunt eqvis, præcunti- bus Uniuscujusq; pedisseqvis; Hinc Ordi- nis Domini Filii veniunt vehiculō quisq; suō, & post illos ipse Ordinis Dominus, quem Mi- nistri Supremi omnes secundum Officiorum & Dignitatum ordinem seqvuntur.

25.

Finitâ in Auditoriō Oratione, quâ Ordinis Domini dies Natalis, nec non hujus Or- dinis institutio & renovatio celebrabitur, Ordinis Dominus cum prædictō suō comi- tatu in arcem revertitur, ubi Secretarius Or- dinis ipsi referet, si quis Ordinis sociorum contra hæc Leges & Statuta aliquid deli-
E qve-

querit, & is, qui taliter accusatur, si praesens sit, mox pro se respondeat, si vero absit, certus illi dicatur dies, quo Ordinis Dominus illum pro meritis judicabit.

26.

Praeter hoc Congregationis festum Equites omnes hujus Ordinis, quotquot adfunt, tribus annuatim diebus, nempe tertio Pentecostes, Divi Laurentii, & tertio Natalis Christi festo, Torquem Ordinis cum Cruce Eqvestri inde pendula, pro fasciâ Eqvestri, solitas induti vestes gestare debent.

27.

Si quis inter Ordinis socios alicujus criminis ab Ordinis Domino reus judicetur, damnatusque ab Ordine excludatur, tunc Secretarius Insigne Ordinis à Criminoso, si subditus sit & de ipso praesenti sententia dicatur, mox exigere debet, citra omnem contradictionem sibi ab illo tradendum, eumque insuper Ordinis Domini nomine prohibere, memoratum Insigne posthac gestare, si vero Reus Ordinis Domini subditus sit & absens in jus vocetur, aut, si extranei Domini subditus sit,

tunc

tunc illi per patentes literas, Ordinis Sigillô & Secretarii manu munitas, criminis, cujus accusatur, summa, posthæc sententia Judicis, ut & interdictum de gestandô Ordinis Insigni, deniq; mandatum de illô Ordinis Secretario remittendô significetur. His si parere noluerit, Ordinis Dominus convenientia excogitabit Remedia, quibuscum ad obediendum cogat.

28.

Ordinis fociô aliquô ex Ordine rejectô, Insignia illius à locô suô in facellô Fredericoburgensi removeantur, diesq; & annus, quô rejectus est, Matriculæ Equitum, ut & causa diminutionis Protôcollo Ordinis, inscribantur.

29.

Mortuô aliquô Ordinis fociô, Insignia illius similiter à locô suô in facellô Fredericoburgensi auferri debent & destinato loco deinde suspendi.

30.

Ordinis fociô aliquô decedente, hæredes illius intra trium mensium decursum

Or-

Ordinis Secretarium de morte Ejus certio-
rem facere , simulq; ipsi Insigne & Statuta
Ordinis remittere debent , receptâ Ejus A-
pochâ , quâ in posterum legitime se tueri po-
terunt ; si fortè contingat , ut Insigne Ordi-
nis desideretur , aliud huic par restituere te-
nentur ; sin verò in bellò aliòve infortunatò
casu Eqves obierit , unaq; cum eò Insigne
Ordinis ablatum fuerit , omni ejus ulteriori
restitutione liberati sunt.

31.

Mortuò aliquò Eqvite, Insigne Ordinis su-
pra pulvillum auroræ colorem imitans,
è sericò villosò factum, arcæ funereæ, dum
in ædibus detinetur, imponi, posteaq; in ex-
seqviis (si publicis Ceremoniis peragantur)
per unum ad id destinatum Mareschallum
ante funus in Demortui gloriam ferri debet ;
Mareschallum istum proximè sequantur Or-
dinis Ministri, atq; post eos Ordinis Socii,
qvotqvot adsunt ; Ipsorum autem Eqvitem
Corpora talibus Ceremoniis sepelire licet,
qvales Demortuorum honori justos Cognati
arbitrantur superstites.

32. Unum

32.

Unum esse volumus Ceremoniarum Magistrum, & unum Secretarium Ordinis, quibus Ministeriis non adhibendi sunt alii, quàm qui Insignibus gentilitiis dotati sunt; Quando autem Officia hæc ingrediuntur, certum iis ab Ordinis Dominò confertur signum Ordinis, quod, dum Ordinis Ministri sunt, ab albâ fasciâ rubris oris circumdatâ unîq; ex globulorum tunicæ foraminibus alligatâ in mediò pectoris pendulum quotidie gestabunt; In omni præterea Ordinis Congregatione Equestrem Ordinis Dannebrogici habitum, cum pileò triplici plumarum albarum serie ornatò induti funto.

33.

Ceremoniarum Magistri Officium erit, quando publicâ quis Ceremoniâ Eqves creatur, ut & Anniversariò Congregationis festò, curam gerere, ut debitis in locis omnia ritè præparata sint; Quem in finem, justum horum statutorum, nec non Ceremonialis hujusce Ordinis Ritus Apographum Ordinis

F

Si-

Sigillô & Secretarii subscriptione roboratum illi communicabitur.

34.

Secretarii Ordinis Officium erit, patentes Literas, quæ ab Ordinis Dominô Equiti donantur, expedire & in margine subsignare; præterea Equestrem habeat Matriculam, cui Equitis Uniuscujusq; nomen, titulum, & tempus, quô in Ordinem receptus est, inscribere; deinde insignia illius Gentilitia vivis suis coloribus depicta cum symbolo adjuncto, nec non prædictas literas patentes inferere debet; Et, cum è vitâ Equitum quis excedit, aut Ordine privatur, hoc itidem eadem in Matriculâ annotabit.

35.

Erit etiam ipsi certum Ordinis Protocol- lum, in quô annotabit, quô quisq; tempore in Ordinem receptus sit, utrum Cere- moniis factum sit illud, nec ne; Quot Ordinis focii anniversariô Congregationis festo com- paruerint, quotq; legitimè excusati fuerint; si quis Equitum ob indecens aliquod factum

ac-

accusatus fit, qualem in istâ causâ Ordinis Dominus sententiam tulerit, Aliâq; hujusmodi omnia Ordinem concernentia; Protocol- lum hoc, æqvè ac Eqvestrem illam Matri- culam, accuratè custodire debet, & quando completi erunt hi libri, Ordinis Domini Archivis eos inferet, ut in memoriam per- petuam reserventur.

36.

Erit quoq; Ipsi curæ, cùm in Ordinis hu- jus societatem intromittitur aliquis, ut Insignia Ejus gentilitia & symbolum extra- dantur, atq; in facellô Fridericoburgensi sus- pendantur; horum præterea Statutorum A- pographum sigillô Ordinis & subscriptione suâ roboratum exhibebit Eqviti; Et, socio- rum Ordinis cùm vel vitâ vel dignitate pri- vatus fuerit aliquis, secundum ea, quæ Art: 28^{vô}, 29^{nô}, 30^{mô} & 31^{mô} continentur, agere debet.

37.

Si fortè ex Ordinis fociis aliquis contra Shafce Leges deliquerit, Congregationis festô

festô hoc Ordinis Domino, secundum ea, quæ Art: 25^{tô} habentur, referet; Discordiam verò inter Eqvites si enasci contingat, totum Controversiæ statum studiosè indagare Ordinisq; Domino indicare debet, ut de singulis competenter statui possit.

38.

Insignia Ordinis, quæ ipsi post mortem Eqvitem traduntur, Ordinis Domino restituet, ac pro restitutis quotannis apocha ipsi communicabitur.

39.

Ordinis Præcones binos esse volumus, qui, cum publicâ aliquis Ceremoniâ Eqves constituitur, nec non anniversariô Congregationis festô, quotiesq; alia Ordinis negotia ipsis injunguntur, in habitu præconibus consuetô comparere debent, deaurata sceptrâ manibus gestantes, pileosq; plumis auroræ Colorem imitantibus ornatos induti.

40.

Horum Articulorum Autographum Ordinis Sigillô munitum in Ordinis Do-
mi-

mini, Daniæ & Norvegiæ Regis, Archivis
asservari volumus, Eumq; secundum tempo-
rum circumstantias illos pro arbitriô immu-
tandi & adaugendi potestatem habere. Da-
tum in Arce nostrâ Regiâ Hafniæ, Kalendis
Decembris, Annô Christi Millefimô, sexcen-
tesimô, Nonagesimô Tertiô, Regni Nostri
Vigesimo Qyartô.

Sub Manu Nostrâ Regiâ
Ordinisq; Sigillô

Christian. V.

gestiftet 1671

W. Schenk

Lerche








Ma 4914^t

2.




1077











Inches
Centimetres
1
2
3
4
5
6
7
8
9
10
11
12
13
14
15
16
17
18
19
8
Blue
Cyan
Green
Yellow
Red
Magenta
White
3/Color
Black
Farbkarte #13
B.I.G.